

Gail Fenumiai
Director



Division of
Elections

www.elections.Alaska.Gov

Juneau, Alaska

STATE OF ALASKA

PRESS RELEASE

Division of Elections-at Ayagnengutekat Qussinurret Cetaman Pikarcillerkam Ciuqliani cali Tungkurluteng Cucukenqurpaarallret Pikarcillratni

March 1, 2021 (JUNEAU, AK) – Pininrullerkun Pikarciyaram Cingumallra piurtarkaugur February 28-irmi. Pikarcitulit pikarciarkaugut nutaremi ilagausnganril²ngurnun Qussinurret Cetaman Pikarcillerkam Ciuqliani Augutst 16, 2022-urmi, cali-llu Tungkurluteng Cucukenqurpaarallret Pikarcillratni (RCV) upingarriarkauluni November 8, 2022-urmi Imam Umgutiini Pikarcillratni.

Pikarcitulit tangrerkaurciqut cimillra Division of Elections-at (DOE); ayagneqluku pikartausqumal²rim kalikartai nuta'ar aarun malirqeciqa. Cali-llu, DOE akurturriarkaugur nutareneg cali cimillerneg malirqerkaneg nutaram aarutem aciakun. Cimillerka Alaska-am nutem pikarciyara pikarcitulit nakitekellrat akaurrluni calliaqnarqur, DOE-r piyukengangqertur aassaqutevkenaki pikarcitulit taugg'am ilagatevkarluki cameg taqucukata.

Illait arcaqerluteng cimillret ukuneg ilangqertut:

- **Ciuqlirmi Pikarcillratni ataucimeg kiiran pikarcissuutengqertur.** Qaqilluteng pikartausqumal²rit al²ngausngarkaugut canun ilagausngangraata. Kiiran-llu cetamat pikartausqumal²rit egmirekautut Imam Umgutiini Pikarcillratni. Ciuqlirmeg Pikarcillratni RCV-r aturyugnaatur.
- **Illauyugnaarutut Kaagatet Pikartausqumal²rit.** Pikartausqumal²rim atra Imam Umgutiini Pikarciss'utmi al²ngaucimayugnaatut uniureskat-ggun pikarcillerkam ciuqlia. Pikartausqumal²ria ilagautellrunrilkan Pikarcillratni Ciuqlirmi atra kiiran al²ngausnginaareluku piciquur pikarcillratni Imam Umgutiini Pikarciss'utmi.
- **Imam Umgutiini pikarcissuutem tangellra malirqutai-llu allakauciqug.** Pikarcitulit tungkuryugnariciqait pikartausqumal²rit qavciungraata angu-llu ikgelengraata (al²ngausngiinareluku-llu) tungkurluk'i. Cumikluku nallunral²ngurkun Imam Umgutiini castun pikarcissuutem ayuqellerka.

- **Kiiran ciuqlirmeg piurtellret qanrutkarkaqaait Pikarcivvim Atakuani.** Una civvuanitun ayuqur nutem pikarcillrastun cali-llu naaqellrit pilugpiaruvkenateng.
- Naqluki egmiutarkat cali-llu **naaqenqiggluki pikartausqumalʔrit kenglit 50% tekitenrilkatgu pikarcillrat, tauna-llu 15 ernerneg piurtarkauluni Pikarcillerkam Erenran kinguani,** qaqilluteng-llu pikarcissuutet akurturrʔarluki cali naqlukʔi.

“Pikarcillerkam Atanirturwiata ciumurucugngaciqa pikarcitulit piyukengʔat,” **qanertur Ataner Gail Fenumiai.** “Allrakur cipluku, Alaska-rmiut kelʔguurkaqaput kangirqelluku-llu makut castun cimiutat pikarciyaʔarat ayuqucingqellerkat cali-llu umyugangqertua pikarcitulit upingarillerkatnun 2022-urmi. Calilʔgutma calliaqciqat tungaunaku cimiuteklerka pikarciyaʔaramta ayuqucia.”

Pikarcitulit elissaquneng ayuqucitneg Qussinqurret Cetaman Pikarcillerkam Ciuqliani cali RSV arcaqertut picitun pikarcillerkat. DOE-r ciumurutengqertur pikarcitulit taringllerkatneg uum nutaram castun ayuqucia calillerka, ilakluki cimiutet pikartausqumalʔrit imirturillerkatneg, pikarciyaʔaremeg, pikarcivvit calistait, cali-llu nutarat naaqissuutet.

DOE-r kuanirpag calliangqertur elissautekaneg/kelʔguurutneg-llu niicugnissuutet-ggun, nallunralʔngut-ggun, callialʔgutmegte-ggun, cali naaqissuutet-ggun. Ayagnengyugngaluni-llu May 2021.

Kuanirpag, DOE-rem tangssʔuga Maine-ar RCV-irmeg atuqengller 2020 Imam Umgutiini Pikarcillratni, Alaska-rmi pikarcitulit tangssukʔasqelluki castun RCV-ir ayuqucingqellra. Pikarcitulit tangssugyugngat Maine-am RCV-rata tangercetʔa <https://youtu.be/3Ez3aEUjRQo>. Nalluvkenaku-llu RCV-r atuquni Alaska-rmi cuut ayuqenrilʔngut amlenrut Maine-rmi.

DOE-rem ilalqa RCV FAQ nallunralʔngurtegun, www.elections.alaska.gov. Una cimirturaarkaugur kelʔguurutet taqkata. Cali-llu, pikarcitulit DOE-r nallunralʔngurkun apyutneg RCV-rata ayuqucianeg alʔngarluku, elections@alaska.gov. Pikarcivvit Atanirturwiata nallunralʔnguutit, cimiritur pinitmun, RCV-rem kelʔguurutaineg makuneg-llu ilangqerrlunʔi; pikarcissʔutnguarneg; elissarsutneg tangercetʔarneg; calliaret cimiutaitneg cali erenret kenglaitneg.

###

Kelʔgurluku: Tiffany Montemayor –Public Relations Manager-ar, Pikarcivvit Atanirturwiatni; GOV.elec.media@alaska.gov angu-llu (907) 465-4611